

Ɔwulú Gyankpapuá Paulo Lówanlín Sísí Korintofɔ

1 ¹Mí Kristo Yesu *sumbí ɔyɔpú Paulo ání Bulu léti mu apétɔ́ pú aní pió Sostene dé ɔwulú ání wanlín.

²Anídé mú wanlín sísí Bulu ɔpasua ání tɔbu Korinto wúluto, Bulu lalé amú, bwé amú mu ahá. Amúa Kristo Yesu babwé kule, fé aní Wíe Yesu Kristo asúmpúá bobu ɔyítɔ́ fée, Yesu Kristo gyí aní fée Owíe.

³Aní Sí Bulu mva aní Wíe Yesu Kristo bugyíi mli buale, abuha mli iwilwii.

Ania Kristo Ukolebwetɔ Oyúla

⁴Ntedá Bulu pán brégyíbré, alúá mli Kristo Yesu kulebwe su alawá awutɔle há mli. ⁵Tsúfé mú su mlilanyá tɔwí tógyítɔ́tɔ́. Múá idun gyí mli tóí pú mli asúnbi féeftɔ́. ⁶Íni lasúná ání asún ámúú anulébláa mli tsú Kristo tɔwí ámu bu mútɔ́. ⁷Íni su ɔhétɔ́ atokiehé kugyíku medé mli hián séi ání mlihié mli dé ekeá aní Wíe Yesu Kristo obótsu ɔsúsú ba bele tɔwí ɔwan ɔkpa kú anfi. ⁸Mu onutó ɔbówa mli ɔwunlín yófun eke ámúú ɔbésankí bá begyi aní asún ámu, méni asansu méetsiá mli tɔwí. ⁹Ɔnɔkwaliɔ Bulu gyí. Múléti mli ɔbée, mliha mu Bi, ogyi aní Wíe Yesu Kristonyɔ mli bóbwe kule.

Ɔpasua Ámutɔ Ukolemábwé

¹⁰Apíó, nɔpú aní Wíe Yesu Kristo kókóli mli ání mli fée mli bówée kule, méni mli mée dasáin. Mliha mli agywun tɔwí kule mli asun blíhé kugyíktɔ́. ¹¹Mí apíó, tɔ́á suá nde asún ání blí gyí, akvá botsú Kloe abusuantɔ bablúá mi bee,

asún bubu mli nsuné. ¹²Bebli beɛ, mliɔ aku mliaa, “Paulo anibuo.” Abambá beɛ, “Apolo anibuo.” Aku é beɛ, “Petro, butetráa ti mu Kefa anibuo.” Aku é beɛ, “Kristo anibuo.” ¹³Nfíte mli, beye Kristoɔ? Paulo beda mántá *oyikpalíhe amusu há mli, ntée mu dátɔ bɔbɔ mli *asú?

¹⁴Nedá Bulu ipán ání Gaiο mva Krispu ɔma a, mmetrá bɔ mliɔ ɔkuku asú. ¹⁵Mú su ɔhaa méetalí blí ɔbéɛ, mí idátɔ nɔbɔ mu asú. ¹⁶Ké! Nakáín, nɔbɔ Stefano mva mu wóyítɔ ahá é asú. Amú ɔma a, mméekaín ání netrá bɔ ɔhaa asú. ¹⁷Kristo mówa mí ahá asúbɔ. Mboún ɔbéɛ, mbeda *asun wankláán ámu ɔkan. Megyí ɔnɔwanki pú anyánkɔpɔsa agywun nɔpublí mú, tsúfé ní nɔpú mú blí mú á, túmi kukuuku umétrá tsiá Kristo oyikpalíhe amutɔ.

1 Ko

Bulu Túmi Pó Mu Nyánsa

¹⁸Ani Wíe Yesu oyikpalíhesu lowu ɔwɔ asún ámu igyi mimlála há ahá ání budehu. Táme igyi Bulu túmi há anu ahá ání Bulu dé nkpa ání itamatá ha. ¹⁹Tsúfé bɔwanlín wá Bulu asún ámutɔ beɛ,

“Néyintá anyansapu nyánsa.

Mmɔɔho amú agywun wankláán kuku.”

²⁰Ní igyi alí á, múmú ntɔ onyansapu gyí? Ntɔ Mose mbla osunápú gyí? ɔyí ánfítɔ nwéen agyípú me? ɔyítɔ ansutún mé, imegyí mimlála Bulu ansítɔ?

²¹Bulu lɔpu mu onutó nyánsa bwé mú. Nyankɔpɔsa méetalí pú mu nyánsa bí mu ekekeke. Mú su alapú anu mimlá ɔkan amú anidéda ámu ho ahá ání baho mu gyi nkpa. ²²Tsúfé osúna ání itsú Bulu wá *Yudafɔ butekleá bɔpúbí ání asún ámu bu mútɔ. Griikifɔ é á, nyánsa butekleá bɔpúbí ání ɔbu mútɔ. ²³Mú su ní adá ɔkan aniaa, beda Kristo mántá oyikpalíhesu á, ɔtɔkúsú líí Yudafɔsu, igyi mimlála ɔmá bámbásúfɔ é ansítɔ. ²⁴Táme ahá ání Bulu lalé, bvgyi Yudafɔ pú Griikifɔ mú á, Kristo gyí Bulu túmi kɔnkpɔnti pú mu nyánsa há amú. ²⁵Tsúfé Bulu mimlála igyi ansutínla dun nyankɔpɔsa nyánsa. Mu pón é kúráá dun nyankɔpɔsa ɔwunlín.

²⁶Apíó, mlikaun alhá mligyí bréá Bulu léti mli. Ahá butamabú mli ɔɔɔɔɔ ání mlilétun ansí. Mli ɔɔɔɔɔ mli mégyí iwí anyapú, ɔɔɔɔɔ é bumotsú abusuan kpikplito. ²⁷Bulu léle ahá ání buma nyánsa ɔyí ánfito, méni ɔbɔpu amú súpá atiansipu. ɔlele ɔyí ánfito apónpu é, méni ɔbɔpu amú wá awunlínpu pélito. ²⁸ɔlele ahá ání obú ma amúsú, pú amúá buma labi kuku ɔyí ánfito, méni ɔbɔpu amú wá amúá obú bu amúsú pélito. ²⁹ɔlobwe mú féé alí, méni ɔhaa móotsu iwí mu ansító. ³⁰Bulu su mli Kristo Yesunyo mlilabwé kule, alapú Kristo bwé aní nyánsa. Mláltsú aní ání aní asún da ɔkpa mu ansító, alabwé aní mu ahá. Alahɔ aní lé lakpan nkpábito, há anilagyí iwí. ³¹Mú su fé alhá Bulu asún ámu léblí á, “ɔhagyíha ání ɔbéé, mótsu iwí á, ɔpú tɔá aní Wíe labwé tsu iwí.”

Kristo Da Mántá Oyikpalíhesu

2 ¹Mí apíó, bréá neba beda Bulu asun ñáinhé amu ɔkan súná mli á, mmɔpu ɔɔwanki ntée nyánsa kuku bebláa mli Bulu asún ámu. ²Tsúfé bréá mbu mli wá á, nɔbwe agywun ání nótóí tsú Yesu Kristo pú mu *oyikpalíhesu lowu nkule iwí. ³Bréá neba a, mí awútó yóyóyó. Ifú de mí, ndekpunkí. ⁴Megyí mí nyánsa pú mí ɔɔwanki nɔpudá asún ámu ɔkan súná mli. Mboún ɔñé Wankíhé amu túmi léha asún ámu ɔwankí mli. ⁵Uleba alí, méni mlénya mli hógyi tsú Bulu túmito, megýí nyankpusa nyánsato.

Bulu Nyánsa

⁶Táme ní nowíe ahá ání badan hógyi amuto wá á, nɔpú Bulu nyánsa bláa amú asún amú. Megýí nde ɔyí keheto nyánsa, ntée ɔyí ánfito isu agyípu ání béba bɔhulí amú túmi klé. ⁷Nyánsa ánfí anidé mú iwí asún blí ánfí igyi nyánsa ání Bulu lópuñáín asa ɔyí lebelin, ání ɔbɔpuwá aní numnyam. ⁸ɔyí ánfito otúmípu ɔkuku mébi nyánsa ánfí. Ní bebí mú á, teki bumeda aní Wíe Onumnyampu amú mántá oyikpalíhesu. ⁹Táme fé alhá ɔwanlín wá Bulu asún ámu á,

“Tʒá ansíbi mɔkúwun ki, asu mɔkúnú ki,
umɔkúba nyankpusa agywuntɔ é ki a,
mú Bulu lalá yáí há mu adwepó ní.”

¹⁰Táme anlabí íni, tsúfé alalé mú súná aní tsun mu *Dɔɛ Wankíhé amusu. Dɔɛ ámu tokwí tógyítótɔ ki, ɔtelé Bulu asun ɣáinhéá íbu ɔtótótɔ kúráá súná aní. ¹¹Dhaa tamawun mu ba nwuntɔ, nkéti mu onutó ɔɛ. Alí kén Bulu Dɔɛ ámu nkule tówun Bulu nwuntɔ ní. ¹²Aní mú á, Bulu lópu mu Dɔɛ wá anitɔ, megyí ɔyí ánfutɔ ɔɛ bu anitɔ. Mboún Dɔɛá itsú Bulu wá, méni abétalí nú itó ámúb Bulu lapúkíé aní faan amu asi.

¹³Mú su megyí aní onutó nyánsa asún anidé mli bláa. Mboún asún aní itsú Dɔɛ Wankíhé ámu wá. Mú anidépulé Dɔɛtɔ ɔɔkwali asún asi ní. ¹⁴Dhá aní ɔma Dɔɛ Wankíhé méetalí hɔ tʒá itsú Bulu Dɔɛ ámu wá, tsúfé igyi mimlála mu wá. Dhá aní Dɔɛ Wankíhé bu mutɔ tónú asún aní Dɔɛ ámu débli asi. ¹⁵Mutetalí tété tógyítótɔ nú mú asi. Táme mu mú á, dhaa méetalí tété mu asúntɔ, nú mu asi ekekeke. ¹⁶Nkálí íbɔbwe asa bétalí nú mú asi? Igyi fé alíá Bulu asun wanlínhé amu lébli ɔbéé,

“Ma ɔbétalí bí aní Wíe agywun?

Ma ɔbétalí súná mu asún?”

Táme Kristo agywun bu anitɔ. Mú su aní mú abétalí bí mu agywun.

Bulu Asúmpú

3 ¹Apíó, bréá neba mli wá á, mmetalí tʒí mli ansítɔ fé ahá aní Dɔɛ Wankíhé bu amútɔ. Nebláa mli asún fé ahá aní amó agywun idun ɔyí ánfutɔ atósú, bumɔkúdan Kristotɔ. ²Nyɔpu-ntsu neha mli. Mmeha mli atogyihe onutó. Alí bré ámutɔ á, mlumókúfun atogyihe onutó gyí. ³Tsúfé ɔyí ánfutɔ tsiátɔ itráa bu mlitɔ. Mlidé aba lu, mlidétré. Ní mlidé íni bwe mé, imosuná aní mli agywun trá dun ɔyí ánfutɔ atósú, mlgýí fé ɔmátɔfɔ? ⁴Mlitɔ aku mliáa, “Paulo mbuo.” Mlitɔ aku é mliáa, “Apolo mbuo.” Mbéé, íni medésuná aní mlgýí fé ɔmátɔfɔ?

⁵Mbéε, ma gyí Apolo, ntée ma gyí Paulo, sɔ mlidétré anu su? Bulu asúmpú keke anigyí, mlilatsun anu ibuto mlí mu ahógyipu. Anuto okugyíɔku légyi gyuma ání Bulu léha mu. ⁶Mílódu, Apolo lówulí mú ntsu, táme Bulu léha mó uledan. ⁷Megyí odupú múa ntsu ɔwulípu lóbwe tɔtɔ. Bulu nkule tóbwe, tsúfé mutéhá mú itedan. ⁸Odupú múa ntsu ɔwulípu féé bugyi kékée Bulu ansítɔ, ɔbéka okugyíɔku ɔku mu bwehé ɔnɔ. ⁹Agyómá ayɔpú mía Apolo anigyí há Bulu. Mligyí Bulu ndɔ, mligyí mu obu é ní.

¹⁰Bulu lówa awitɔle há mí, bwé mí obu oyípu ɔtiansipu. Mú sɔ nɔpu abwi wá obu ámu ntswiasi, aha bambá betalí budepwe dínká mósú ní. Táme ɔhagyíɔha ɔkú wankláán obu ámu pwetɔ. ¹¹Tsúfé ɔhaa méetalí wá ntswiasi bámbá dun mú ámúb ɔda yaí, igyi Yesu Kristo amu. ¹²Ní ɔku ɔpú sika pepe o, sika futútú o, abwi ání ibu bíá o, nyí o, afitáa ntée ipí yi dínká ntswiasi ámusu á, ¹³ɔbú ání kugyíku ibélu ɔwan eke ámúb Bulu obégyi anu asún ámu. Ogyá ɔbɔpusɔ mú ki beε, ɔɔbwe mú wankláán. ¹⁴Ní ogyá ámu mɔhɔ obu ámu yíntá á, Bulu ɔbéda mu ipán. ¹⁵Táme ní obu ámu lóhɔ a, ɔbéhɔe húli atɔ. Bulu ɔbɔhɔ mu nkpa, táme obóflu fé ɔhá ání alarí dalu ogya plenplento.

¹⁶Mluméyín ání *Bulu ɔswékpa mligyí, Bulu ɔhɔ́é ámu tsie mlɔtɔ? ¹⁷ɔhagyíɔha ání oleyintá mu ɔswékpa a, Bulu é obéyintá mu, tsúfé Bulu ɔswékpa lɔwankí. Mu ɔswékpa amu gyí mli á.

¹⁸ɔhaa mámlé mu iwí! Ní mlɔtɔ ɔku dé mu iwí ti ɔtiansipu nde ɔyí ánfɔtɔ á, ilehián ání ɔbɔbwe mu iwí ɔha mimláhe, méni ɔbɔbwe ɔtiansipu onutɔ. ¹⁹Tsúfé ɔyí ánfɔtɔ ansútún igyi mimlála Bulu ansítɔ. Fé alíá bɔwanlín wá Bulu asun wanlínhé amutɔ beε, “ɔtiansipu agywun laláhe Bulu tɔpúkítá mu.” ²⁰Bulu asun wanlínhé amu letrá blí ɔbéε, “Bulu yin ání ɔtiansipu agywun itépí ma labi.” ²¹Ínu su ɔhaa mápu ansí dínká ɔhaasu tsú iwí. Mlibú tógyítɔ. ²²Paulo o, Apolo o, Petro o, ɔyí ánfɔtɔ o, nkpa ntée lowu o, nde o, ɔke o, mlibú mú féé. ²³Kristo bú mli, Kristo é gyí Bulu klé.

Kristo Sumbí Ayɔpó

4 ¹Íni su ɔhagyíɔha otsú mú ání Kristo asúmbi keke mía Apolo anigyí, Bulu lapú mu asun ɔhainhé amu agyómá wá anu ibito. ²Tsá ihíé dehián gyí, ɔhá ání bapú agyómá wá mu ibito obégyi ɔɔkwali. ³Mí mú á, ní mlito aku ntée aha bambá bude mí pón ha kúráá á, imegyí ɔɔɔ mí ansító. Mí onutó ó mmókúhá iwí pón ntée asu. ⁴Nyin mí klvntɔ, táme imosuná ání mí asún da ɔkpa. Anu Wíe Yesu gyí mí asún ogyípú. ⁵Íni su mlumákɔsí lé mli aba ilá kpéfun anu Wíe ɔbáke amu. Mu ɔbówankí wúlí oklúntɔ atósú, lé anu agywun ɔwan, asa Bulu ɔbékanfú ɔhagyíɔha alíá ilehián ni.

1 Ko

⁶Mí apíó, mli sù ndepu mía Apolo tsiátó súná mli ató, méni mlónu mú ámúú ahá buteblí bæe, “Mlumányankí tsá bɔwanlín tswisu” ámu asi, fówun mlumóowun ɔhaa tsú iwí. ⁷Ma lébláa fu ɔbéé fudun ɔku? Nto fubvá imegyí Bulu léha fú? Ní Bulu léha fú tógyító á, ntogyi sù fúde iwí tsu fé megyí ha beha fú?

⁸Mludékú ání mlilamwé! Mlilanyá iwí! Mlilawúna mlidé iwíe gyí. Mí su mú á, teki mlidé iwíe amu gyí lélé, méni ania mlinyɔ abégyi iwíe amu. ⁹Ide mí bwe fé Bulu lahá anu *sumbí ayɔpó ánfu anilabwé ɔma agyápu fé ndoun bakpá bɔyómɔ. Tsúfé anlamlí ato kihe há ɔyító féé, Bulu-abɔpu múa anyánkpósa féé. ¹⁰Kristo sù anilabwé aha mimláhe, mli mú mlilatun ansí. Anigyí apónpu, mli mú mlibu ɔwunlín. Ahá bude mli bu, anu mú ɔhaa tamabú anu. Megyí alí mlidé anu kí ni? Ntée megyí alí? ¹¹Bófún séi á, akún múa ɔmewúli de anu, atatidatɔ anida. Bude anu atswe fulí, anumá ɔdikpa. ¹²Anuteyírí iwí pú anu ibi yó agyómá púnnyá anu ato hiánhe. Ní bɔlwí anu á, anitoyúlá amú. Ní budun anisu é á, anutotomi. ¹³Ní beblí anu iwí asun laláhe a, anuɔpú ɔdwe lé mú ɔɔ. Bófún séi á, anilabwé wúna, bude ipí putsítsá anisu ɔyí ánfito.

¹⁴Mmedé íni wanlín púsúpa mli, mboún ndeputóí kplá mli fé mí abí adwepú. ¹⁵Tsúfé ní ahá mpím-dú (10,000) lósuná mli Kristo iwí asún kúráá á, ɔbakúle pé abí mligyí

ɔɲétɔ. Nɔbwe mli sí Kristo Yesuto bréá neda asun wankláán ámu ɔkan súná mli. ¹⁶Mú su nde mli kokóli, mlukasí mí tsiátɔ. ¹⁷Íni su nde Timoteo wa sísí mli. Mí bí ní, ntɔdwe mu. Ɖbu ɔɔkwali Kristotɔ. Mu ɔbéba bekaín mli tsiátɔ oduá nɔpu mbuo Kristo, ndepusúná ɔpasua kugyíkuá ibu ɔtínegyíɔtíne ni.

¹⁸Mlito aku bude iwɔ tsu. Buki bee, fíali mméetrá ba mli wá ekekeeke. ¹⁹Táme ní anɔ Wíe Yesu lótsulá á, umɔɔwa ɔpá kuku néba mli wá beki bee, asún keke iwɔ atsupú ánfɔ budeblí lóó, ntée lélé bubu Bulu túmi. ²⁰Tsúfé megyí asun blíhé keke *Bulu iwíegyí ámu igyi, mboún Bulu túmi. ²¹Ní nebá mli wá á, ntɔ mpúba? Mpú mpli ba lóó, ntée ɔdwe múa uklun lwiíhéhé?

Mbuatɔ Iwɔ Asún

5 ¹Bahíe bebláa mi bee, mlito aku bude atsi múa ayin asún wa. Ɖmátɔfɔ kúráá bumedé mú odu bwe. Mlito ɔku mú kúráá laswíí mu si mu ka, ²ibu mli ansigyí! Ima mli awirehɔ. Péli medé mli, ménɔ mlégya ɔhá ánfɔ odu lé mli ɔpasuatɔ. ³Íniá mlimédé mí wúun ó á, mbu mlito ɔɲétɔ. Nahá ɔhá ánfɔ ɔbu tsiátɔ anfi odu ipón dodoodo, fé mbu unu. ⁴Mliti ɔpasua ámu fia anɔ Wíe Yesu Kristo dátɔ. Nétsiá mlito ɔɲétɔ, anɔ Wíe Yesu Kristo túmi é ibétsiá mlito. ⁵Ínu á, mlipu mu wa Ɖbunsám ibitɔ, oyinta mu ɔyulúv, ménɔ Bulu ɔbóhɔ mu ɔkláa nkpa anɔ Wíe Yesu ɔbáke amu.

⁶Kpaali mlidé iwɔ tsu. Mliméyín ání bodobodotu-afá kpalobí téhá bodobodo amu féé itotú? ⁷Íni su mlile lalahe ɔbwepú anfi mlito, ménɔ mli iwɔ bétɔn fé bodobodoá bumɔwa afá mútɔ, tsúfé alí mlíhíé mligyí ní. Megyí bodobodoá bumɔwa afá mútɔ, imotu butɔpúgyí *Katsun Nke? Bamó anɔ Israelfɔsu Katsun Nketɔ *Okúfabi, ogyi Kristo amu, lé anɔ nwunsu mbusuo há anɔ dodoodo. ⁸Mú su mlíha apu bodobodoá imotu, igyi iwítún múa ɔɔkwaliwa gyi Katsun Nke ámu. Mlimáha apu bodobodoá ulatú, igyi tsiátɔ laláhe múa lakpan gyi mú.

⁹Nɔwanlín wá ɔwulú kuá nɔpusísí mlito mbée, mlimápu mbua atɔpú gyi mba. ¹⁰Megyí ɔyítɔ mbua atɔpú, ɔnsipe

awapú, awikplu ntée ikpi atswépu iwɪ asún neblí. Múmó tekɪ mlédalɪ ɔyí ánfɪtɔ asa mlumɔɔwa amó mba ní. ¹¹Tsá nɔwanlín sísí mli gyí, mlumápu ɔhá ání ɔbée Okristoyin mugyi, táme ɔtɔtɔ mbua ntée ɔbu ɔnsípe, ɔtɔtswe ikpi, otesíá mu aba, ɔtɔbú ntá ntée otowí atɔ gyi mba. Mlia ɔhá ámu nyo mlumáwa ibi gyi atɔ kúráá.

¹²Ntɔ sù négyi ahá ání buma ɔpasua ámutɔ asún? Megyí ahá ání bubu mútɔ, buɔe lakpan ánfɪ odu bwe mboún asún lehián ání mlégyi? ¹³Bulu obégyi ahá ámúú buma ɔpasua ámutɔ ámu mú asún. Táme ɔwanlín wá Bulu asun wanlínhé amutɔ beɛ, “Mli mú mliɔya lalahe ɔbwepú le mliɔ.”

Bulu Ahá Wulewule Nsuné Asúngyí

1 Ko

6 ¹Ní mliɔ ɔku mu ba Okristoyin benyá á, ntogyi sù mliɔwá klun púya ɔmátɔfɔ asún ogyíkpá, mliɔtamapú ya Bulu ahá abubli mú? ²Mluméyín ání Bulu ahá obégyi ɔyítɔ ahá féé asún? Ní mli obégyi ɔyítɔ ahá asún á, mú ntogyi sù mluméetalí gyi mli wulewule nsuné asún? ³Ntée mluméyín ání anɪ obégyi Bulu-abɔpu é asún? Ntogyi sù anuméetalí gyi ekekegyíeke asún mú? ⁴Ní asún idá mli nsuné á, ntogyi sù mliɔpúya ɔmátɔfɔ asún agyípu amóú mli ɔpasuaɔ butamabú ámu? ⁵Nde asún ánfɪ wanlín sísí púsúpa mli. Mú su ɔtiansipu ɔkule kúráá má mli ɔpasuatɔ ání ɔbétalí gyi mu aba nsuné asún? ⁶Ntogyi sù ohógyipu ɔbésamáa mu ba, múa idun kúráá pú mu yélu ɔmátɔfɔ ansítɔ?

⁷Alí ámúú asún ibi mli Akristofɔ wulewule nsuné ámu kúráá ilosuná ání mlɪlagyi pón dodo. Ntogyi sù mli bá ɔpú ulá gyí mli, ntée osísi mli, mluméesikíé? ⁸Mli mboún latsun gyankpá mlidé mli aba sísí, mlidé lalahe pugyi mli aba? ⁹Ntée mluméyín ání aha laláhe bumóowie *Bulu iwíegyí ámutɔ? Mlumámlé mli iwɪ. Ahá ání butɔwá atsi múa ayin asún, ikpi atswépu, mbua atɔpú, ayin ání butekle amó aba ayin, ¹⁰awikplu, ɔnsípe awapú, ntá abupú, ahá asiapú pú ahá asisípu buméenya ogyíkpá Bulu iwíegyí ámutɔ. ¹¹Tekɪ bré ámu a, alí mliɔ aku mliɔyí ní. Táme Bulu labie mli ntsu,

alabwé mli mu ahá. Alatsun mu Ɔɲé ámu pú aní Wíe Yesu Kristosu tsú mli ání mli asún da ɔkpa mu ansítɔ.

Mli Ɔyulúv Pwá Bulu Numnyam

¹²Mlitɔ ɔku ɔbétalí blí ɔbéɛ, “Mbu ɔkpa bwé tótógyítɔ.” Ee! Táme nde mli bláa mbéɛ, “Megyí mú fée ɔbɔwa labi.” Ɔku é ɔbéblí ɔbéɛ, “Mbu ɔkpa bwé tótógyítɔ, táme mméɛha tɔtɔ méegyí misu.” ¹³Ubu mótɔ́á ɔku ɔbétalí blí ɔbéɛ, “Atogyihe bu unv há ipu, ipu é bu unv há atogyihe.” Ee! Táme mú fée íbéhi ekekú. Bulu mɔ́bwe nyankpusa há atsi múa ayin asún wa. Mboún aní Wíe bú aní ɔyulúv, aní ɔyulúv é bú aní Wíe. ¹⁴Bulu lókúsúa aní Wíe Yesu tsú afúlito. Ɔbɔpu mu túmi ámu kúsúa aní é.

¹⁵Ntée mliméyín mliaa, mli ɔyulúv igyi Kristo nyankpusa-oyí ámu iwí atɔ? Mú nkáli sù mpúv Kristo ɔyulúv yeda obu-ɔ́nɔ́ otsiápu ɔyulúv? Itsúnv misu! ¹⁶Ntée mliméyín mliaa, ní ɔku ɔpú íbɛ da obu-ɔ́nɔ́ otsiápu a, mva munyɔ ɔyulúv labwé kule? Tsúfé Bulu asun wanlínhé amu léblí ɔbéɛ, “Oyin ámu mva ɔtsi ámu babwé ɔyulúv kule.” ¹⁷Táme ní ɔku mva Kristo bɔ́bwé kule a, mva munyɔ babwé ikule ɔɲétɔ é.

¹⁸Mlumápleí atsi ntée ayintɔ. Lakpan kugyíkúá ɔha tɔ́bwé tamakúsú líí mu ɔyulúsv. Táme ní ɔku ɔwá atsi múa ayin asún mú á, alabwé lakpan ání ulókúsú líí mu onutó ɔyulúsv. ¹⁹Ntée mliméyín mliaa, mli ɔyulúv gyí Ɔɲe Wankíhé amu ɔtswékpa obu? Bulu lópu mu há mli, otsie mlitɔ. Mú sv megyí mlibú mli iwí. ²⁰Ibíá kpékpélékpé Bulu lóho mli. Mú sv mlipu mli ɔyulúv wa Bulu numnyam.

Akúlu Mva Aká, Akpanku Pú Asvrapu Atosunáhé

7 ¹Nayɔ́ asun fitéhé amúv mlilówanlín sísí mí ámutɔ kɛ a, Ee! Ubu aléá oyin mɔ́ɔpu íbɛ da ɔtsi. ²Táme mbuatɔ ladubi sv oyingyíoyin onyá mu onutó ɔká, ɔtsigyíɔtsi é onya mu onutó okúlu. ³Ilehián ání okúlu obégyi ɔkátsiá mbla féesú ha mu ka, ɔká é ɔbɔ́bwe mú alí ha mu kulu. ⁴Megyí ɔtsi bú mu iwí, mu kulu bú mu. Alí megyí oyin é bú mu iwí, mu ka bú mu ni. ⁵Mú sv mlimákiná aba ɔdukpa ha, nkéti

mli abanyɔ ámu mliatsúlá ání mlétsiá nke kpalobí, méni mlétsiá bó mpái, asa mlélayɔ aba wá. Mliawun aba mú ɔma, méni Ɖbunsám méetalí sɔ mli kí, ní mliumétalí kítá iwí.

6Ɖkpa ida ání mlóbwe mú alí, táme megyí ɔhíé igyi. 7Mí nkule sv mú á, teki mlétsiá kpanku fé mí, táme ɔhagyíɔha bu móá Bulu lópukíé mu. Ɖmɔbwe aní fée kékée. Ɖhagyíɔha mva mu kle.

8Séi nde akpanku móa asvrapu bláa mbée, ní bótsulá tsíá mí atsiábi a, teki ibu alé. 9Táme ní mliumétalí kítá iwí ntée gyi mli iwísv mú á, mlitsia akúlu móa aká, dvn ání mlénatí dá tsun.

10Táme akúlu móa aká awíé mú á, mbla ku bu unvá megyí mí, mboún aní Wíe Yesu lówa há amú. Ɖbée, ɔká mákiná mu kulu. 11Táme ní ɔmáín mu kulusu a, ɔkíta iwí ntée oyínki yɔ mu kulu wá. Okúlu é mákiná mu ka.

12Mli aha tráhe mú á, mí onutó dé mli íni bláa. Megyi aní Wíe Yesu dé mú blí. Ní ohógyipu yínhé tsíá ɔtsiá ome gyí ohógyipu, táme ɔtsi ámu latsúlá ání mva munyɔ bétsiá á, ɔmákiná mu. 13Ní ohógyipu tsíhé é tsíá oyin ání ome gyí ohógyipu, táme alatsúlá ání mva munyɔ bétsiá á, mu é ɔmákiná mu. 14Tsúfé ohógyipu tsíhé ámu sv Bulu ɔbɔho mu kulu. Alí kén ohógyipu yínhé ámu sv Bulu ɔbɔho mu ka é ní. Ní megyí alí á, Bulu móotsu amú abí ání amú asún da ɔkpa mu ansítɔ, táme íni sv Bulu latsú amú ání amú asún da ɔkpa mu ansítɔ. 15Táme ní okúlu ntée ɔká ání ome gyí ohógyipu dékléá obékiná mu tsiába ohógyipu a, ohógyipu amu osíi mu ɔnati. Mbla kuku meklí mu, tsúfé Bulu létí aní ɔbée, abétsiá iwilwiitɔ. 16Ohógyipu tsíhé, fuyin ní fú ɔbɔho fú kúlu nkpa? Ntée ohógyipu yínhé, fuyin ní fú ɔbɔho fú ká nkpa?

Tsia Alá Fúgyi

17Mú sv ɔhagyíɔha ɔpúv tɔá aní Wíe Yesu léha mu asa Bulu létí mu tsia. Múgyí tɔá ntebláa ɔpasua kugyíku ní. 18Ní ɔku létin *keté asa Bulu létí mu a, ɔmálayínkí yébwé mú iwí tɔtɔtɔ. Ní ɔku é métin keté asa Bulu létí mu é á, ɔmáyétin. 19Ketétin ntée ketémátin megyí tɔtɔ. Bulu mbla ámusv gyí

mboún gyí asún. ²⁰Ohagyíoha otsía alhá ogyi asa Bulu létu mu. ²¹Okpábi fugyi asa Bulu létu fú? Imáhan fu. Táme ní okpa ibá ání fégyi iwí á, kusu músú. ²²Tsúfé ní okpábi fugyi asa aní Wíe létu fú á, alhá fagyi iwí. Alí kén ohá ání otsie mu iwísu asa aní Wíe létu mu é gyí okpábi séi há Kristo ní. ²³Bulu lóhó mli ibiá kpéklékpéé. Iní su mlimábwe mli iwí nkpábi há anyánkpósa. ²⁴Mí apíó, alhágyialíá ohagyíoha gyí asa Bulu létu mu a, okpúv mú alí tsia.

Mbitebí Múa Asurapu

²⁵Mli mbitebíá mlimókútsía akúlu kí mú á, mma mbla kukvá itsú aní Wíe wá há mli. Táme aní Wíe mua mu nwewúun, alhá mí nyansa ání mlétalí hó mli gyi. ²⁶Asún ání nde há mli gyí, oyító lawá onlun séi. Mú su nahogyiá ibu aléá ohagyíoha obétsiá alhá otsie yaí. ²⁷Ní fúbu oká á, mákiná mu. Ní kpanku fúgyi é á, mátepi tsía. ²⁸Táme ní fetsiá oká á, fumókúbwé lakpan. Ní obitebíá omókútsiá okúlu kí é otsiá a, omókúbwé lakpan. Asun wunheá ibéba tekí ndetsu kúsú akúlu múa akású. Mú su nde iní blí.

²⁹Mí apíó, múa ndeblí gyí, bré itinbí ulasí. Iní su tsú séi á, ohá ání obu oká obwéé fé ohá ání oma. ³⁰Osun ígyi o, odwe ígyi o, iwinya ígyi o, obwéé iwí fé aswansu medín musu. ³¹Ahá ání bude oyi ánfúto ató pubwé toku bomápu amú ansí féé dínká músú. Tsúfé oyi ánfú pú mútó ató féé béba botson.

³²Mmedékléá asún iháan mli. Ohá ání oma oká okpú mu ansí dínká aní Wíe agyúmású, méni obégyi mu ansí. ³³Táme oká mu wie mú okpú ansí dínká oyító atósú, méni obégyi mu ka ansí. ³⁴Mú su mu agywun tobwé anyo. Alí kén otu kpanku é tesi mu iwí há aní Wíe, oyulúv múa onjéto féé, méni obégyi Bulu ansí ní. Táme okúlu mu wie mú okpú mu ansí dínká oyító atósú, méni obégyi mu kulu ansí.

³⁵Mli yilé su nde asún ánfú blí. Mmedé mli itin ka. Mboún nde kléá mlibwéé tóá ida okpa, amlisi mli iwí féé há aní Wíe Yesu.

³⁶Ní oyin ofíté otssu, owun ání oméetalí kítá iwí, otu ámu é déklé odan tsun a, oyékpáin mu. Megyí lakpan igyi.

³⁷Táme ní ɔ́lábwé agywun ání oméetsiá mu, ɔ́bétalí kítá iwí tsíá kpanku á, ɔ́bu ɔ́kpa bwé t́sá odeklé. Ní ɔ́bétalí kítá iwí á, múmú ɔ́kíta iwí. Ibw alé dvn. ³⁸Ibw aléá obétsiá ɔ́ká, táme ní ometepí tsíá a, ibw alé dvn.

³⁹Mbla léklí ɔ́tsi ání oméekiná mu kulu yófvn mu owuké. Táme ní oyin ámu owú á, ɔ́bu ɔ́kpa tsíá oyin ání odeklé. Táme ilehián ání ɔ́há ámu ɔ́bɔ́bwe Okristoyin. ⁴⁰Mí nkule su mú á, ní otsie kpanku á, ansí bégýi mu dvn. Nyin ání Bulu Ɖɔ́ɔ́ ámúú ibw mitɔ́ ámu sù natálí nde mli asún ánfí bláa.

Ɖkputɔ Atogyihe

8 ¹Mliha abli ɔ́kputɔ-atɔ́ gyí iwí asún ámúú mlulɔ́wanlín sísí mí ámu.

Mludéblí mliaa, “Ani fée anyin asún.” Ibw mútɔ́, táme mliɔ́bi ání asúnbi tehá ɔ́ha totsú iwí, ɔ́dwe é itehá ɔ́ha tedan. ²Ní ɔ́ku ɔ́béé, mvyin asún dubi a, ɔ́mɔ́kúnyá bí t́sá idehián. ³Ɖhá ání ɔ́ɔ́dwe Bulu á, Bulu é yin mu.

⁴Mú su nkáli anudéblí tsú ɔ́kputɔ atɔ́ gyí iwí? Ani fée anyin ání ɔ́kpi mégyí tɔ́tɔ́tɔ́. Anyin ání Bulu ɔ́kule pé é bu unv, ɔ́kuku trá ɔ́ma ɔ́tinetine. ⁵Íniá ikpi múa túmi tsɔ́tsɔ́tsɔ́ bubu ɔ́sú múa asi ó á, ⁶ani mú anyin ání Bulu ɔ́kule pé bu unv. Mvgyí ani Sí, ɔ́sú múa asi Ɖbwepú. Mu anutsie nkpa há. Ani Wíe ɔ́kule pé é bu unv. Mvgyí Yesu Kristo. Musv Bulu lɔ́tsun bwe tógyítɔ́. Mu kén su anutsie nkpa ní.

⁷Táme megyí Akristofɔ́ fée yín alí asún ánfí. Ikpísúm lamántá amú dodo. Íni su ní begyi ɔ́kputɔ-atɔ́ á, bude mú tsu ání basúm ɔ́kpi ámu ni. Mú su ifin lada amú, tsúfé bumɔ́kúdan hógýitɔ́. ⁸Megyí t́sá antegyí sù ania Bulunyo nsuné bówa alé. Ntɔ́ anulégyí o, ntɔ́ anumégyí o, tɔ́tɔ́ meyintá ani iwí.

⁹Táme mliki wankláán ání ɔ́kpa ánfí mliɔ́bi gyi ɔ́kputɔ-atɔ́ ánfí uméeha ɔ́há ání ɔ́mɔ́kúdan hógýitɔ́ ɔ́méedida. ¹⁰Ní ɔ́há ání ɔ́mɔ́kúdan hógýitɔ́ owun fú ánfí fée fuyin asún, fude atɔ́ gyí ɔ́kputɔ́ á, ibw alé? Mú mú yée fude mu atetɔ́-ɔ́nlín wa fée, ogyíi ɔ́kputɔ́ atɔ́ ánfí mu onutó oyin ání uma ale anfi ní o. ¹¹Mú mú fapú fú asúnbi mlé fú píó wá. Fahá fú píó

ánfi ɔmɔkúdan hógyitɔ, Kristo lówu há mu anfi lafwí. ¹²Ní fɔpú alá gyi fú pío Okristoyin ání ɔmɔkúdan hógyitɔ, fehá mu ɔbwé t́á oyin ání uma ale á, Kristo fapú alá gyi a. ¹³Mú su ní t́á négyi ibéha mí pío Okristoyin ɔbɔbwe lakpan á, mméetepí trá gyi iye ekekeeke, ménu uméeha mu ɔdida.

Sumbí ɔyɔpú Túmi Pú Mu Gyumagyihe

9 ¹Mlúki mliaa mmetsie mí iwɔsu? Ntée megyí *sumbí ɔyɔpú ngyi? Mmɔkúwun aní Wíe Yesu kí? Megyí mí gyumagyihe sù mlílamlí aní Wíe klé nde? ²Ní mmegyí sumbí ɔyɔpú há aku á, mlí mú mliyin ání sumbí ɔyɔpú ngyi. Tsúfɛ ínúá mli gyí Akristofɔ á, ilegyi adánsie ání aní Wíe sumbí ɔyɔpú ngyi.

³Ínu gyí t́á ntɔpólé mí iwɔ ɔnɔ súná ahá ání butelé mí alá ní. ⁴Míá Barnaba mú animágyi at́s, nu ntsu? ⁵Animá ɔkpa tsía ohógyipu, kpá mu buo iwɔ, fé sumbí ayɔpú atráhe amu pú aní Wíe apíó múa Petro aná? ⁶Ntée míá Barnabanyɔ mú ayɔ́ agyúmá kí aní iwɔsu? ⁷Ísá ɔkɔpú onutó téká iwɔ ɔkɔ? Ekekeeke! ɔdɔɔpɔ ɔmɔmu tamagyi mu ndɔɔ-at́s? Mbwi ɔyaípú ɔmɔmu tamagyi mu ɔbwi yáíhé?

⁸Anyánkɔpúsa agywun ndepublí ínu? Yé Mose Mbla óó ɔleblí alí á? ⁹Tsúfɛ bɔwanlín wá Mose Mbla ámutɔ beɛ, “Butamawá ɔnantswieá ɔde ayó da ɔnɔ ɔkan.”^a Fahogyi fɛɛ nnantswie iwɔ dé Bulu hián sù ɔleblí asún ání? ¹⁰Megyí aní sù ɔde asún ání blí? Aní sù ɔde mú blí a. Bɔwanlín wá Bulu asún ámutɔ beɛ, “Ílé ɔwɔpɔ mua at́s ɔkɔtípú f́éé bugyo t́á bénya tsú agyúmá ámutɔ bayó ámutɔ.” ¹¹Ní anɔlabláa mlí asun wankláán ámu, igyi ɔjétś abíá anɔladú wá mlí á, aní mú animá ɔkpa nyá aní ɔyít́ atohiánhe tsú mlí wá? ¹²Ní aku bubu ɔkpa nyá at́s tsú mlí wá á, animá ɔkpa dun amó?

Táme animótsu kuku lé ínutɔ. Anɔlapú kluntɔ pisii ho tógyít́, ménu animóɔpɔ tɔtɔtɔ tin Kristo asun wankláán ámu ɔkpa. ¹³Mlíméyín mliaa, Bulu ɔswékpa unv agyúmá

^a9:9 Deut. 25:4. Kí atɔ táanheá bu ifun 490, (1 Ti. 5:18). Mú así gyí, “Butamalé ɔkwén pú ibi tsítisi ɔsulótɔ.”

ayɔpɔ é bubu ogyíkpa unu? Ntée mlíméyín ání *afɔɔɔ-
asubwi amu asɩ asúmpɔ butegyɩ mú asɩ atɔ? ¹⁴Alɩ kén anɩ
Wíe léhɩe ání mu asun wankláán ámu ɔkan adapú é bugyí
atɔ tsu ahá ání bude labi nya tsú asún ámutɔ wá ní.

¹⁵Táme mí mú mmɔkúpɔ alɩ ɔkpa ání mbu anfi nyá tɔtɔ
tsú mli wá. Megyí bæe ndekléá néfi mú asɩ, sù nde asún ání
wanlín sísí mli. Ibu mí aléá nówu, dun ání nɔhulú itɔ ání
nɔpɔtsú iwɩ ání. ¹⁶Táme ní nde asun wankláán ámu ɔkan
da a, imegyí tɔá nɔpɔtsú iwɩ. Tsúfé ɔhíe igyi há mí. Bulu
ɔbébutí mí isv ní mméda mú ɔkan. ¹⁷Ní mí onutó léblí mbée
nɔbwe mú á, teki Bulu ɔbéda mí ipán. Táme megyí mí onutó
apétɔ nde mú bwe. ɔkpábi ngyi, Bulu lóbu mí ɔnɔkwaliɔ
pú agyú má ání wá mí ibitɔ. ¹⁸Ikwá mɔmu nénya tsú mútɔ
ngya? Múgyí néda asun wankláán ámu ɔkan, buméeka mí
tɔtɔ. Teki mbu ɔkpa púkle tɔku há mí iwɩ, táme mmɔɔbwe
mú alɩ.

¹⁹Ntsie mí iwɩsv. Mma ɔhaa asɩ, táme nabwé iwɩ ɔkpábi
há ɔhagyíɔha, méni nékpa ahá tsɔtsɔtsɔ ba Kristo. ²⁰Ntɔbwé
iwɩ fé Yudayin ní mbu Yudaɔtɔ, méni nétalí nyá Yudaɔ
ámu. Mma Mose mbla asɩ, táme ntɔbwé iwɩ fé ahá ání
bubu mú asɩ, méni nétalí nyá amútɔ aku. ²¹Alɩ kén ní mía
ɔmátɔɔá buma Mose mbla asɩ aniná á, ntɔbwé iwɩ fé amú,
méni nétalí kpá amú ba Kristo ni. Íni medésuná ání mma
Bulu mbla ámu asɩ, tsúfé ntobú Kristo mbla ámu. ²²Ntɔbwé
iwɩ fé ahá ání amú hógyi ɔnɔ ma ɔnlun, méni nétalí há amú
bédan Kristotɔ. Ntedamlí iwɩ ɔkpa ɔtsan-ɔtsansu há ahá féé,
méni nétalí kpá amútɔ aku ba Kristo.

²³Asun wankláán ámu sù ntɔbwé íni féé, méni mí é nénya
ogyíkpa mútɔ. ²⁴Mlɩkaun ání ní ahá busrí a, okugyíɔku teyírɩ
iwɩ, táme ɔbakóle tégyi isv, butekíe mu atɔ? Mli é mliɩɩ iwɩ
sri, méni mlégyi isv, békie mli atɔ. ²⁵ɔsrú otsíipú okugyíɔku
tekítá iwɩ, méni ɔbésrí púhɔ idá ání utamatsíá yó. Táme anɩ mú
anidé íni bwe, méni abɔhɔ idá ání umɔɔfwɩ ekekeke. ²⁶Íni sv
megyí kpaali nsrí. Mí ansí dun tɔkusv. Ntamatswɩ atswé wá
afútɔ. ²⁷Ntesen ansítɔ, bwé mí iwɩ ɔkpábi, méni ní nedá asún
ámu ɔkan súná ahá ta á, Bulu méébláa mi ɔbéé, nabwé tsítsá.

Ikpɔ́súm Iwɪ Oláda

10 ¹Mí apíó, ndekléá mlíbú tʒá Bulu lóbwe há anu anáin amu fée bímbí ámu. Oléha agyinde lobun amú féesú, oléha ɔpu pepe bunkpatɔ lése, olékpa amú fée tson ɔpu amutɔ. ²Bulu lópu agyinde mʒa ɔpu amu bó amú fée *asú, pʒsúná ání bugyi Mose abúopu. ³Amú fée begyi ɔɣétɔ atogyihe oloku ɔkule amu. ⁴Bonu ɔɣétɔ ntsu oloku ɔkule amu tsú butá ámúú ilekpa amú ámutɔ. Kristo gyí butá ámu ni. ⁵Táme ínu fée ɔma a, Bulu ansí megyi amú ɔdudɔ iwɪ, oléhi amú dimbí ámusu unu.

⁶Ntobí ánfɪ iléba amúsú ánfɪ fée igyi atosuanhe há anu, méni amú lalahe amu odu bwe méedunká anu ɔwólɪ, ⁷ánmóosúm ikpi é fé amú. Tsúfé Bulu asun wanlínhé amu ileblí ɔbéé, “Ahá ámu betsiá asɪ gyí atɔ, nu ntá, kúsú kóm.” ⁸Mlumáwa atsɪ mʒa ayin asún fé alɪá amútɔ aku ɔɔbwe, iléha amútɔ mpím adwanyɔ-sa (23,000) benya lowu ekewóle. ⁹Mlumáha asɔ Kristo kɪ fé alɪ ámúú amútɔ aku ɔɔbwe, awɔ bodundun amú mʒ ámu. ¹⁰Mlumále Bulu ilá fé alɪá amútɔ aku ɔɔbwe, Bulu lópu ɔɔɔpu sísí, ɔɔɔɔmɔ amú.

¹¹Ntobí ánfɪ iléba amúsú fée igyi atosuanhe há anu. Bɔwanlín mʒ tswɪ, púdá anu ahá ánfɪ ɔyí ɔnómɔbí latú anu ánfɪ olá.

¹²Mú su ní fuki fee fulú kínkíínkín Kristo hógyitɔ á, kɪ wankláán, méni fuméedɪda. ¹³Bɪ ání fú isókɪ amu mɔtsun ɔtsan há aha tráhe klé. ɔnɔkwalɪpu Bulu gyí. ɔméesha isókɪá idun fu iba fusu. Táme ní fowíé isókɪtɔ á, Bulu obósuná fú ɔkpa ání fótson mʒsú tálí líí mʒ ɔnʒ, méni fédalɪ mʒtɔ.

¹⁴Mú su apíó adwepú, mlumáwa iwɪ ikpɔ́súmtɔ ekekekeke. ¹⁵Atiansɪpu mlygyí. Mú su mli onutó mlyɔ asún ánfɪtɔ amlɪkɪ. ¹⁶Ní adá Bulu ipán, anu anu Wíe Yesu ɔpúnúasɪ ewe ámutɔ ntá á, imosuná ání anɪa Kristo obugya labwé kule? Ní abíá bodobodo amu é ye aba á, mʒ é imosuná ání anɪa mʒ ɔyulúv labwé kule? ¹⁷Íniá anu tsó ó á, bodobodo ipin kule antegyí. Mú su anu fée anlábwé ɔyulúv kule fé bodobodo ipín ámu.

18Mlɔpukɩ Israelfɔ, megyí ahá ámúbú butegyɩ afɔɗɩe-atɔ ámu tɔbwé kule afɔɗɩe ámu ɓɓɓɔ? 19Mú su nkáli mí asún ánfɩ desuná? Blí ndeblí mbée, ɩkpi ntée atogyihe amúbú ɓapóhá amú igyí amu ibu labi? 20Ekekekeke! Tɔ́á ndeblí gyí, ní akpɩpú behá ɩkpi igyí a, *ɔɩe laláhe ɓɔpɩhá, megyí Bulu. Mú su mmedékléá mliɩ ɔɩe laláhe mlɔbwe kule. 21Mluméetalí pú anɩ Wíe ewe tin ɔɓɔ, láyɔpɩ ɔɩe laláhe ewe é tin ɔɓɔ. Mliɩ Kristo mluméetalí wá ɩbɩ gyi atɔ́, mliɩ ɔɩe laláhe é amlɩwa ɩbɩ gyi atɔ́. 22Ní abwé mú alɩ á, anɩmɔɔwa Bulu ɔblɔ́ fé Israelfɔ? Ntée anikíá anɩbu ɔwɩnlín dɩn Bulu?

23Ahá buteblí bee, “Anɩbu ɔkpa bwé tógyítɔ́.” Ibu mútɔ́ alɩ, táme megyí mú féé bu labi. Fudeblí fee, “Anɩbu ɔkpa bwé tógyítɔ́.” Táme megyí mú féé tɔ́búa anɩ. 24Mlumáki mli nkule klé, mboún mluki mli aba é klé.

25Tɔ́á mlɩbwée gyí, mlɩwɩ ibíású iye kugyíku. Mlumáfité mú iwɩ asvansu, mli klɩn é umáha mli pón. 26Tsúfé ɓowanlín wá Bulu asún ámuɔɔ bee, “Bulu bú ɔyí múa mútɔ́ atɔ́ féé.”

27Ní ɔmátɔ́yín ɔtí fú atɔ́ ogyíkpá, iletsiá fú á, fayɔ́. Táme ní fɔyɔ́ á, máfité mú iwɩ asvansu, fú klɩn é umáha fú ipón. 28Táme ní ɔku ɔbláa fu ɔbéé, “Ɔkpɩɔ-atɔ́ igyi” á, alíá uméehan ɔhá ámu su mágyi atɔ́ ámu. 29Megyí alíá ɩbéhan fu su, mboún ɔhá ámu su. Múú ntogyi sú tɔ́á ɔku désúsúu ɩbétin mí iwɩgyí ɔkpa?

30Ní ntedá Bulu ipán atogyihesu asa ntegyi mú á, ntogyi sú ɔku ɔbéé mí ɩlá atɔ́ ámu su?

31Mú su ní fudegyí o, fudenúu o, bwe mú féé pɩwa Bulu numnyam. 32Mlumáha mli tsiátɔ́ itin Yudaɔ pú Griikifɔ ntée Bulu ɔpasua ámu Kristo wá ba ɔkpa. 33Ntamakle mí nkule yilé. Tógyítɔ́á ntɔ́bwé á, ntɔ́bɔ́ mbódí ání néha ahá ansí bégyi amú, méni Kristo ɔbóhɔ amú nkpa.

11 1Mlukasi mí tsiátɔ́, fé alíá mí é nekasí Kristo klé.

Alíá Atsi Bóputsiá Ɔpasuato

2Mí apíó, ntekánfú mli, tsúfé mli ansí dɩn mísú. Mlídébwé dínká Kristo atosunáhé amúbú ɓɔpɩhá mli ámu su. 3Táme ndekléá mlɩnúu mú asi ání oyinyíoyin bu Kristo asi,

ɔtsigyíɔtsɪ bu oyin asɪ, fé alá Kristo é bu Bulu asɪ. ⁴Íni su oyingyíoyin ání obun atɔ́ nwun asa ɔde mpái bɔ́ ntée ɔde asún ání Bulu lapúwá mú ɔnɔ́ blí méde Kristo bu. ⁵Táme ɔtsigyíɔtsɪá ɔmeklí nwun asa ɔde mpái bɔ́ ntée ɔde asún ání Bulu lapúwá mu ɔnɔ́ blí é méde mu kulu bu. Igyi fé alakpá nwun. ⁶Ní ɔmɔ́ɔpɔ atɔ́ klí nwun á, múmú ɔkpáa mú. Táme ní ɔtsɪ ɔkpá nwun, ɪbu mu péli a, ɔpúv atɔ́ klí músú. ⁷Bulu lóbwe oyin fé mu ɪwɪ, púwá mu ɪwɪ numnyam. Mú su mehián ání ɔbɔ́pɔ atɔ́ bun nwun asa obósum Bulu. Táme ɔtsɪ mú á, Bulu lóbwe mu púwá oyin numnyam. ⁸Tsúfé oyin médalɪ tsu ɔtsɪtɔ, ɔtsɪ mboún lédalɪ tsú oyintɔ. ⁹Megyí ɔtsɪ sù Bulu lópwe oyin, mboún oyin sù ɔɔpwe ɔtsɪ. ¹⁰Íni su ilehián ání ɔtsɪ ɔbéklí nwun, púsúná ání ɔbu túmi asɪ, tsúfé Bulu-abɔ́pɔ bude mu kí. ¹¹Íniá anɪa Kristonyɔ anɪlabwé kule su á, ɔtsɪ léhián oyin, oyin é léhián ɔtsɪ. ¹²Tsúfé alɪ ámúbú ɔtsɪ gyankpɔpɔ lédalɪ tsu oyintɔ ámu a, alɪ kén ɔtsɪ é lókwú oyin ní. Táme Bulu lóbwe tógýítɔ.

¹³Mli onutó mliɔ asún ánfɪtɔ amlíki. ɪbu alá ɔtsɪ méeklí nwun asa ɔbɔ́bɔ́ mpái há Bulu? ¹⁴Fé alá Bulu léle ɔyítɔ á, ɪma alá oyin obési mu imi ɪbówa ɪwí fé ɔtsɪ klé. ¹⁵Imi tɪntɪn igyi numnyam há ɔtsɪ, tsúfé Bulu lópɔ mú há mu fé nwun-abúntɔ. ¹⁶Táme ní ɔku dé mú ɪwɪ nwéen gyí a, asún ání mbo blí gyí, mmotsulá dínká kukusu dun íni. Alɪ kén Bulu ɔpasua atráhe féé bumotsulá dínká músú ní.

Ɔpúnúasɪɔ

(Mateo 26:26-29; Marko 14:22-25; Luka 22:14-20)

¹⁷Mméekanfú mli asún ánfɪ neba bebláa mli ánfɪ mútɔ. Tsúfé yilé kuku tamadáli tsu mli ifiátɔ. Lalahe kóun utetí há mli. ¹⁸Gyankpɔpɔ a, babláa mi bee mlitamabwé kule ní ɔpasua ámu befia. Nahogyi ání asún ánfɪ ku bu mútɔ. ¹⁹Lélé mú á, ilehián ání nwéengyí bétsiá mlɪtɔ, méni mlówun ɔnɔ́kwálá ɪbu mútɔ. ²⁰Táme beblí bee, ní mlefia a, megýí ɔpúnúasɪɔ su mlitefia. ²¹Tsúfé mlitamagyo aba. Aku butegyí amú atɔ́, butamahá aba. Mú su aku butonu bu, aku é butsie akún. ²²Mli onutó mli má wóyíá mlitegyi atɔ́, nu ntá

mútɔ? Ntée mlidékleeá mlósupáa Bulu ɔpasua ámu, amlíwa ahiánfɔ ámu péltɔ? Amansu mbli tsu ínu iwí? Nkánfu mli? Íntu mú á, ekekeeke, mméekanfú mli!

²³Tsúfé tɔ́á nosuán tsu aní Wíe wá kén nde mli bláa a. Aní Wíe Yesu léle bodobodo ipín onyé ámuú bele mu há ámu, ²⁴ɔleda Bulu ipán, bíábía mútɔ, bí ɔbée, “Mí ɔyulúá ndepuhá mli ní. Mlitsia bwe ínu pukain mísú.” ²⁵Alí kén atogyihe amu ɔma a, olotsu ntá-ewe ámu, bí ɔbée, “Ntá-ewe ánfí gyí mí obugya ání Bulu dépusí ntam ɔɔpwe amúú íbu mlia munyɔ nsiné ámuvsu ní. Brégyíbréá mlónu mú á, mlinu mú pukain mísú.”

²⁶Tsúfé brégyíbréá mlidé bodobodo anfi gyí, nu ntá tsú ewe ánfítɔ á, mlidé aní Wíe lowu ámu ɔkan da kpéfɔn bréá obéyinkí bá. ²⁷Mú sv ɔhá ání obégyi alí bodobodo anfi, nu ntá tsú aní Wíe ewe ánfítɔ mábú ɔkpasu á, alagyi aní Wíe ɔyulúv pú mu obugya amu iwí pón. ²⁸Ínu sv ilehián ání mlóyɔ mli nwuntɔ wankláán, asa mlégyi bodobodo anfi, nu ntá-ewe ánfítɔ. ²⁹Tsúfé ní mlímóbu aní Wíe Kristo ɔyulúv, mlilégyí bodobodo amu, nu ntá ámu é dínká ifinsu á, Bulu ɔbéha mli ipón mú sv. ³⁰Mú sù mlitɔ ahá tsɔtsɔɔtsɔ bapɔn, aku budelɔ, aku mú kúráá bawú ní. ³¹Ní anutɔyɔ aní nwuntɔ wankláán asa a, tekí Bulu mééha aní pón. ³²Táme ní aní Wíe ɔlé aní ulá, bítí aní isu á, ɔmééha ania ɔyítɔ ahá féé ipón kule.

³³Ínu sv mí apíó, ní mleyéfia ɔpúnú ámu asi á, mlitsia gyo aba. ³⁴Ní akún de ɔku á, ogyíi ató tsu wóyítɔ asa ɔba, ménu mli ífia amu iméeti isubítí há mli. Mí onutó néba bebláa mli tɔ́á mlíbwée tsu asun tráhe amu iwí.

Ɖɛ Wankíhé Atokiehé

12 ¹Séi á, apíó, ndekleeá néle *Ɖɛ Wankíhé atokiehé asún amú asi wankláán súná mli.

²Mlyin ání bréá mlígyí ɔmátɔfɔ á, bosuná mli asunakpan, uléha mlíyɔ mlidé íkpiá butamatɔ́i sum. ³Mú sv ndekleeá mlíbú múá itsú Bulu wá. Ɖhagyíɔha ání ɔdepu Ɖɛ Wankíhé tɔ́i méetalí lwíí aní Wíe Yesu. Ɖhá ání Ɖɛ Wankíhé dé mu kpa nkule ɔbétalí bí ɔbée, “Yesu gyí mí Wíe.”

⁴Bulu atokiehé ɔtsan-ɔtsan bu unu, táme Ɖɛ Wankíhé amu kén teye mú fée. ⁵Bulusúm agyómá igyi ɔtsan-ɔtsan, táme aní Wíe amu kén aní fée anidésun. ⁶Ɖkpa ɔtsan-ɔtsansu Bulu tɔyɔ agyómá tsun anisu, táme Bulu ámu kén dé mú fée bwe tsun aní féesú. ⁷Bulu telé mu Ɖɛ ámu ɔwan tsun ɔkpa ɔkusv anitɔ okugyíɔkutɔ, ménu abópukpá aba. ⁸Ɖɛ Wankíhé tehá ɔku tɔpú nyánsa tóí kplá ahá, ɔtehá ɔku é tebí asón. ⁹Ɖtehá ɔku tehié hɔ Bulu gyi, ɔtehá ɔku é tetsá ahá ub. ¹⁰Ɖɛ Wankíhé amu kén tehá ɔku túmi ɔtɔpúbwé ofúla, ɔtehá ɔku é teblí asón ání Bulu lópuwá mu ɔnɔ. Ɖtehá ɔku tetálí bí ɔɛéá itsú Bulu wá pú múá itsú *ɔɛ laláhe wá. Ɖtehá ɔku teblí ɔblí bámbá, ɔku é tonú mú asi. ¹¹Ɖɛ Wankíhé amu nkule tɔbwé íni fée, oteye atokiehé ánti há ɔhagyíɔha alá odeklé.

Ɖpasua Ámu Igyi Nyankpusa-oyí Ɖkole

¹²Nyankpusa-oyí iwí ató itsɔ, táme mú fée lóbwe nyankpusa amu. Alí kén igyi Kristo é ní. Mu ɔpasua ámu gyí mu nyankpusa-oyí ámu ni. ¹³Anitɔ aku anigyí Yudafɔ, aku Griikifɔ, aku nkpábi ntée adíhɛ, táme bɔpu Ɖɛ Wankíhé amu bɔ aní fée asú wá Kristo ɔyulúv kule amutɔ, Bulu lópu Ɖɛ ámu kén núná aní fée.

¹⁴Táme mégyí toku kule lóbwe nyankpusa-oyí ámu, mboún iwí ató ɔtsan-ɔtsan. ¹⁵Ní yabi ɔblí ɔbée, “Mma nyankpusa-oyí ámu iwí, tsúfé megyí ibi ngyi” á, ilosuná ání megyí nyankpusa-oyí ámu iwí ató ogyi? ¹⁶Ní isv é ɔblí ɔbée, “Mma nyankpusa-oyí ámu iwí, tsúfé megyí nsíbi ngyi” á, ilosuná ání megyí nyankpusa-oyí ámu iwí ató ogyi? ¹⁷Ní nsíbi nkule gyí nyankpusa-oyí ámu fée á, nkáli ɔbɔbwe obónu asón? Ntée ní isv nkule gyí nyankpusa-oyí ámu fée á, nkáli ɔbɔhɔ ató afú? ¹⁸Táme Bulu lópu iwí ató tsɔtsɔtsɔ bwé nyankpusa-oyí ámu, ɔɔpu kugyíku yi ɔtínéá odeklé. ¹⁹Ní iwí ntobí ámu igyi toku kule a, nkáli nyankpusa-oyí ámu ibɔbwe? ²⁰Iwí ntobí ámu itsɔ mú, táme mú fée lóbwe nyankpusa-oyí amu ni.

²¹Mú sv nsíbi méetalí bláa ibi ɔbée, “Fuma labi há mí!” ekekεεεε. Nwun é méetalí bláa yabi ɔbée, “Fuma labi há

mí!” ²²Ní aki a, iwɛ atɔ́ ámúú anidékú aniaa ulɔɔɔn amu iwɛ téhían ni. ²³Mú ámúú anidékúá obú uma músú ámu anitobú dun ni. Ɖtíné ámúú anitamakleá ahá buwúun amu é anitɔpú atɔ́ tin ni. ²⁴Táme anitamapú atɔ́ tin anɪ iwɛ ntobí ámúú ibu akíle amu. Bulu lɔbwe anɪ iwɛ atɔ́ ámu ali, méni abóbu mú ámúú uma numnyam amu, kí músú wankláán. ²⁵Fówun ikulebwe bétsiá amúú, méni gyɔɔɔi okpítá bina a, bina é lakpítá gyɔɔɔi. ²⁶Ní nyankpusa-oyí ámu iwɛ tɔku dé ɔsin wúun a, nyankpusa-oyí ámu fée towun mú. Ní bekánfú mútɔ́ ku é á, ansí tegyi nyankpusa amu.

²⁷Yoo, ayɔ́ nkpa. Kristo ɔyulúv kule amu mli fée mligyí. Mligyí mu ɔpasua ámu ni. Mlɪtɔ okugyíɔku gyí mu nyankpusa-oyí ámu iwɛ tɔku. ²⁸Bulu léhíhíe ínɪ fée wá mu ɔpasua ámutɔ. Gyankpapu, *sumbí ayɔɔpú. Nyɔɔɔsi, Bulu ɔnɔ́sú atɔ́pú, saasi, atɔ́ asunápú. Mú ɔma a, ofúla abwepú. Amúá bubu ulɔtsá túmi, buale agyíú, ahande pú ɔblí bambá ablípú. ²⁹Amú fée gyí sumbí ayɔɔpú? Ekekeke! Amú fée gyí Bulu ɔnɔ́sú atɔ́pú, ntée atɔ́ asunápú, ntée ofúla abwepú? Iméeba mútɔ́ ali! ³⁰Amú fée bu ulɔtsá atokiehé? Amú fée téblí ɔblí bambá, ntée amú fée tetálí nú ɔblí bambá ámu asi? ³¹Mlɪɔ mbódí amlidunka atokiehé ámutɔ múá idehían dun.

Nélasúná mli ɔkpa ání idun ínɪ tsía mútɔ́.

Ɖdwe

13 ¹Ní ntetálí blí anyánkpúsa pú Bulu-abɔɔpu ɔblí fée, táme ntamadwé mí aba á, ngyi fé ɔkan ntée gbémgbléín ání bude mú da, idelín kúklókúú. ²Ní mbu Bulu ɔnɔ́ asúnblí, Bulu asun ñaínhé bi pú hógyi kpɔnkɔntiá ntetálí púpúlí abu, táme mma mí bá iwɛ ɔdwe á, múmú mma labi kuku. ³Ní nɔpú mí atɔ́ fée kíe ahíánfɔ, nɔpú mí iwɛ há mbée buwáa mí ogyá, táme mma mí bá iwɛ ɔdwe á, mma labi há ɔhaa.

⁴Ahá ɔdwepú tenyá iklun, ɔbu awitɔle. Ɖma olu, ɔtamaká ɔnɔ́tɔ́, ɔtamatsú iwɛ. ⁵Otobú atɔ́, ɔma ɔnsípe. Ɖtamakósí nyá ɔblí, ɔtamahɔ asún wá iwɛtɔ. ⁶Ɖtamatsúlá asukpan,

ɔɔɔkwali otobuo. ⁷Otenyá klun há tógyítɔ, ɔɔɔɔ asúnsú gyi. Mu ansí tedínká asúnsú, ototomi é.

⁸Ɔdwe mú itamatá, táme Bulu ɔɔ asúnblí bóɔɔ ɔɔ. Ɔblí bambá blí béka itin, asúnbi é íbéba bótsun. ⁹Tsúfé anumókúnyá bí tógyítɔ tá, anumókúnyá blí Bulu ɔɔ asún é yi. ¹⁰Táme ɔɔtɔ atokiehé ánfɔ fée imɔfun. Ní múá ílɔfun yi íbá á, íni fée bófwɔ.

¹¹Igyi fé íni. Bréá ngyi kebi á, nɔɔtɔ fé kebi. Mí atɔ bwehé pú mí asun susúhe fée íɔbwe fé kebi. Táme séi ánfɔ nadan a, nasí nyebito bwehé ámu fée bwe. ¹²Séi á, anidé atɔ kú fulaa fé ogyásito anidé mú kú. Bré íku béba a, abówun mú wankláán. Séi á, aní atɔbi mɔfun. Ɔma a, abéba bebi mú fé alíá Bulu yin aní.

¹³Ɔɔɔkwali a, atoku asa ánfɔ obétsiá ní. Hógyi, ɔkpakú pú ɔdwe, táme ɔdwe dun mú fée.

Ɔɔɔ Wankíhé Atokiehé Bámbá

14 ¹Mlɔdunka ɔdwe ɔkpa, amlɔdunka ɔɔtɔ atokiehé é. Múá idun a, Bulu ɔɔ asúnblí. ²Tsúfé ní ɔku dé ɔblí bambá blí á, megyí anyánkɔpɔsa ɔdebláa, Bulu ɔdebláa. Ɔhaa tamanú mú asi, tsúfé mu ɔɔtɔ dé asun ɔɔínhé blí. ³Táme ɔhá aní ɔde Bulu ɔɔ asún blí mú á, ahá ɔdebláa, ɔdepuvúa amú abudan hógyitɔ. Ɔdepuwá amú ɔwunlín, ɔdepuwíí amú íklun é. ⁴Ɔhá aní ɔde ɔblí bambá blí nkule tényá ɔwunlín Bulusúmtɔ. Táme ɔhá aní ɔde Bulu ɔɔ asún blí mú tɔwá ɔpasua ámu ɔwunlín.

⁵Tektí ndekléá mli fée mléblí ɔblí bambá, táme ní mlidé Bulu ɔɔ asún blí á, íbu mi alé dun. Tsúfé Bulu ɔɔsú ɔɔtɔpú dun ɔblí bambá ɔblípú. Nkétɔ ní ɔblí bambá ɔblípú ámu tetálí lé mú asi, méni ɔpasua ámu bénýa tɔku tsú mútɔ. ⁶Mí apíó, ní naba mli wá séi beblí ɔblí bambá ku, mmele mú asi á, labi mɔmu íbówa há mli? Táme ní neblí asún, nehá mlébi asún, ntée neblí asun lesúnáhé ku, ntée neblí Bulu ɔɔ asún ku, ntée súná mli atɔ á, íbówa labi há mli dun.

⁷Mlɔpukɔ ítsá fedá mú itotsúlá, fé íkwe, ɔténté ntée ɔkpe aná. Ní fumeda mú itsula wankláán á, butamanú mú asi.

⁸Ní klunsi ɔdapú mébɛ dá mú á, ɔhaa tamanú mú asɪ, dídá atɔ yɔ isá. ⁹Alɪ kén ní mlidé ɔblí ání ɔhaa médé mútɔ nu blí á, mlidétɔí wá afútɔ ní. ¹⁰ɔblí tsɔtsɔwtɔ bu ɔyítɔ. Kugyíku ulɔfun, ibu mú ablípú anulé. ¹¹Táme ní ɔku dé ɔblí ku blí, mí é mmedé mútɔ nu á, ntamanú mu asɪ, mu é ɔtamanú mí asɪ. ¹²Mú su íniá mlihié mlidé *ɔɲe Wankíhé atokiehé ámu dunká á, mlikvli múá íbɔwa ɔpasua ámu ɔwunlín.

¹³Íni su ɔhá ání ɔteblí ɔblí bámbá ɔkúli Bulu mú asɪnu, ménɪ ɔbétalí le mú asɪ súná mú anupú. ¹⁴Tsúfé ní ndepu ɔblí bámbá bó mpái á, mí ɔɲé dé mú bó, táme mmedé asún ání ndeblí asɪ nu. ¹⁵Nkáli mee nɔbwe? Nɔbɔ mpái ɔɲétɔ bré kutɔ, pú mí agywun é bó mú bré bámbátɔ. Alɪ kén nɔwa ulu ɔɲétɔ, pú mí agywun wá mú bré kutɔ é ní. ¹⁶Tsúfé ní fúde Bulu kanfú ɔɲétɔ pé á, nkáli íbɔbwe ɔhá ání ɔmedé mú asɪ nu ɔbétsa fú? Nkáli bétsa fú Bulu ípán da ní bumédé asún ání fudeblí asɪ nu? ¹⁷Fíali fude Bulu ípán da wankláán, táme ítamawá fú bá ɔwunlín.

¹⁸Nedá Bulu ípán ání nteblí ɔblí bambá dɔn mlɪtɔ okugyíɔku. ¹⁹Táme ní afia a, ntekleá néblí asún anu pé ání ɔhagyíɔha obónu mú asɪ, íbɔbɔwá amú é dún ání néblí asún mpím-dú (10,000) ɔblí bámbátɔ ání ɔhaa mónu mú asɪ.

²⁰Mí apíó, mliúbwe agywun fé nyebí. Mliúbwe íwɪ fé kebi-bɔbwe lakpanbwetɔ, táme mliugywun fé ahande. ²¹Bɔwanlín wá Bulu asún ámutɔ bɛɛ,

“Nɔtɔí tsun afɔɔsú, bébláa mí ahá ɔblí bambá.

Mú ó á, mí ahá bumóonu mí ɔmɛ.” Anɪ Wíe léblí. ²²Íni su ɔblí bambá blí igyi osúna há ɔmátɔfɔ, megyí ahógyipu. Bulu ɔnɔ asún blí é igyi osúna há ahógyipu, megyí ɔmátɔfɔ.

²³Ní ɔpasua ámu ifia, ɔhagyíɔha dé ɔblí bambá blí, ɔha bambá pú ɔmátɔyín bebá mlɪtɔ á, buméebli bɛɛ, mli nwun layíntá? ²⁴Táme ní mli fée mlidé Bulu ɔnɔ asún blí, ɔmátɔfɔ ntée ahá ání butamanú mútɔ bebá mlɪtɔ á, amú onutó bóyɔ asún ámutɔ, nú íwiasɪ ání babwé lakpan. ²⁵Íbéha amú kluntɔ asún bélin ɔwan, béda akpawunu, kánfú Bulu bɛɛ, “Lélé, Bulu bu mlɪtɔ.”

ጋpasua Ámuto Nnhué

²⁶Mí apíó, ní mlẹbá befia Bulu osúmkpá, mlito ọku tọwá ulu, ọku tosúná atọ, ọku towun atọ, ọku teblí ọblíu bábábá, ọku é tonú mú así á, bubwée mú pọwa ọpasua ámu ọwunlín. ²⁷Ní aku béblí ọblíu bábábá á, bubwée ahá abanyó. Ní butso kúráá á, abasá. Bublí mú ikule-kule, ménu ọku ọbéle mú así. ²⁸Ní ọhaa má ofiákpa unvá ọbéle mú así mú á, bukpa ọnó bun, amúba amú Bulu abuto nklobító. ²⁹Bulu ọnósú atọpú abanyó ntée abasá butó, atráhe abuyo amú asun blíhé amuto. ³⁰Táme ní Bulu ọlé atọ súná ọkúá otsie ofiákpa unvá á, Bulu ọnósú atọpú ámu osí tó, ọhá ámu ọbli tóá alawun. ³¹Mlí féé mlétalí blí Bulu ọnó asún ámu ikule-kule, ménu mlí féé mlósuán tọku tsú mútọ púwá iwí ọwunlín. ³²Bulu ọnósú atọpú amu bunyáa túmi ọhẹ ámu ọde amú kpa amúsú, ménu bóto há amú aba ọkpa. ³³Tsúfé Bulu asún lolwií, omegyí basabasa.

³⁴Ní ọpasua ámu ifia a, atsi bubwée díín. Buma ọkpa tó. Bubá iwiasí fé alá Mose Mbla léblí. ³⁵Ní budekléá bónu asvankuto á, bufíte amú akúlu wóyítọ, tsúfé ibu pélá ọtsi ọbóto ofiákpa.

³⁶Mlilahogyi mlíaa, mlí wá Bulu asún ámu ilotsuá así? Ntée mlí nkule látsọ mú nu? ³⁷Ní ọku dékí ání Bulu ọnósú atọpú mugyi, ntée ọbu Ọhétọ atokiehé ku á, iwánku mu ání aní Wíe onutó mbla ígyi ndewanlín sísí mlí. ³⁸Ní ọmọhọ asún ánfí á, mlí é mlumáhọ mu asún.

³⁹Mí apíó, ínu su mlipri ání mléblí Bulu ọnó asún, táme mlumábláa ọhaa mlíaa, ọmáblí ọblíu bambá. ⁴⁰Mlúbwe tógyítọ dinka mú ọkpasu wankláán, ifun.

Kristo Kusú tsú Afúlitọ

15 ¹Mí apíó, séi á, nkáun mlí *asun wankláán ámu ọ neda mú ọkan súná mlí, mlíshọ mú sú gyí, mlí hógyi ulí mú sú ámu. ²Asún ánfí ọbéha mlí nkpa ání itamatá, ní lélé mlíshọ mú sú gyí ni. Táme ní mlekíná mú sú hógyi mú á, mlí hógyi labwé kpaalu!

³Tsúfɛ asún ání ihíe dehián bɔpohá mí nɔpɔba mli ígyi. Múgyí, Kristo lóbowu aní lakpan su, fé alíá Bulu asun wanlínhé amu léblí. ⁴Bopolá mu, Bulu lókusúa mu tsú afúlitɔ eke sáásí fé alíá Bulu asun wanlínhé amu íleblí. ⁵Ɔlele iwɛ ɔwan súná Petro. Mú ɔma a, ɔlele iwɛ ɔwan súná sumbí ayɔpɔ dúanyɔ ámu féé. ⁶Íni ɔma a, ɔlele iwɛ ɔwan súná mu abúopu tsɔtsɔtsɔá budun ahá lafanu (500) ɔtsáwule. Amótɔ akw bawú, táme ɔdudɔ butráa butsie nkpa. ⁷Ɔlele iwɛ ɔwan súná Yakobo é. Ɔma a, ɔlele iwɛ ɔwan súná sumbí ayɔpɔ ámu féé.

⁸Ítráhe-tráhe a, ɔlele iwɛ ɔwan súná mí onutó ánfɛ nesin ɔma ba anfi. ⁹Tsúfɛ mígyí sumbí ayɔpɔ ámutɔ ɔkusɔ nɛ. Teki mmɔfun ání bétɛ mí sumbí ɔyɔpɔ kóráá, tsúfɛ nedinká Bulu ɔpasua ámusɔ. ¹⁰Táme Bulu awitɔle sù nde namlí alí. Mu awitɔle amu umɔbwe kpaali. Tsúfɛ nayɔ agyómá dɔn amótɔ okugyíɔku. Táme megyí mí ɔwonlín nɔpɔyɔ mú. Mu awitɔle amu dé mí kpa. ¹¹Íni su ní mlétrá da asún ámu ɔkan o, amú o, múá idehián gyí mlílɔhɔ aní asún ámusɔ gyi.

Ani Kusú Tsú Afúlitɔ

¹²Ní anutedá Bulu asún ámu ɔkan aníaa, Bulu lókusúa Kristo tsú afúlitɔ á, ntogyi sù mlitɔ akw mú beɛ, awupú bumɔ́ɔkusú tsú afúlitɔ? ¹³Ní awupú bumɔ́ɔkusú mú á, idesuná ání Bulu mókusúa Kristo é. ¹⁴Ní Kristo mókusú tsú afúlitɔ á, tekɛ aní asun wankláán amu ɔkanda igyi kpaali. Mli músú hogyi é igyi kpaali. ¹⁵Ní Bulu tamakúsúa awupú mú á, múmú afunu anidéwa tun Bulu ɔnɔ, blí aníaa alakúsúa Kristo tsú afúlitɔ. Ní ɔtamakúsúa awupú á, múmú asún ánfɛ uma mútɔ. ¹⁶Ní ɔmɔ́ɔkusúa amú mú á, múmú ɔmɔ́kusúa Kristo é ní. ¹⁷Ní ɔmɔ́kusúa Kristo a, múmú kpaali mlílɔhɔ mu gyi. Idesuná ání mlílasin lakpantɔ. ¹⁸Múmú ítráa desuná ání Kristo ahógyipwá bawú é bafwí. ¹⁹Ní ɔyí ánfɛtɔ nkpa nkolesú aní ansídɔn Kristosɔ mú á, múmú aní ílá bu nwe dɔn ɔhagyíɔha.

²⁰Táme ɔnɔkwálá ída gyí, Bulu lakúsúa Kristo tsú afúlitɔ. Kristo labwé ahá ání Bulu ɔbɔ́kusúatɔ ogyankpapu. ²¹Alí

ámú lowu léba tsun nyankpusasu ámu a, alí kén kusú tsú afúlito é ɔleba tsun nyankpusasu ní. ²²Tsúfé alí ámú ahá butowú amúa *Adam ukulebwe su ámu a, alí kén amúa Kristo ukulebwe su amú fée bénya nkpa ní. ²³Táme anito okugyíoku bu mu bré. Kristo Bulu légyankpá kúsúa tsu afúlito. Ní Kristo oyínkí bá a, mu é ɔbókusúa mu ahá fée. ²⁴Mú ɔma a, Kristo obégyi ɔɣétó túmi laláhe, iwíegyí pú túmiá ide ɔyísú gyí féesú asa ɔyí ɔbómɔ ɔnɔ. Mú ɔma a, obéyinkía iwíegyí ámu wá aní Sí Bulu ibuto. ²⁵Tsúfé ilehián ání Kristo obégyi iwíe kpéfun bréá alagyi mu alupú féesú, pú mu ayabi tsá amúsú. ²⁶Olupú tráhe ání ɔbéhu gyí lowu. ²⁷Tsúfé Bulu asun wanlínhé amu ɔleblí ɔbé, “Bulu lópu tógyító wá mu asi.” Íni imosuná ání Bulu bu Kristo asi. ²⁸Ní Kristo ogyi tógyítósú tá á, ɔbópu iwí wá Bulu asi. Muléha mu túmi dínká tógyítósú, fówun Bulu é obégyi tógyítóá ibu ɔtínegyíɔtínésú.

²⁹Ní Bulu mókusúa awupú á, ntogyi sù ahá buɔe asú ɔ há há ání bawú? Ntogyi sù béha bóbɔ amú asú há amú? ³⁰Ntéɛ ntogyi sù aní mú abópu aní nkpa pléí brégyíbré? ³¹Mí apíó, nekáse, ntefia alowusu ekekegyíeke! Igyi tsá ntɔpútsú iwí ání mlá aní Wíe Kristo Yesu mlílabwé ukule. ³²Mú su kpaali nɔkɔ Efesofá bugyi fé mbwíkítá-atɔ? Ní Bulu mókusúa awupú mú a, “Múmú mláha agyi, awí, anu, tsúfé ɔke sesebre anílawú.” Fé alá ɔwanlín wá Bulu asún ámuɔ.

³³Mlímáha ahá ání buteblí asún ání odu abumle mlí! Tsúfé ahande beɛ, “Mba laláhe gyí teyíntá ɔha.” ³⁴Mlilabwe agywun wankláán, amlísi lakpan bwe. Tsúfé mlíto aku butépí bumeyín Bulu. Nde asún ání wanlín sísí mlí púsúpa mlí.

Ɔyulúá Abópukósú Tsú Afúlito

³⁵Ɔku ɔbéfté ɔbé, “Nkálí Bulu ɔbókusúa awupú? Ɔyulú ɔmɔmu bópukósú?” ³⁶Ɔha mimláhe! Bí ání ní fodú ató-abí á, utɔpló asa utɔkwe. ³⁷Megyí itóbí ámú ɔɔpúwá ɔsulúto ámu gyí ɔbán amúú utedan amu. ³⁸Bulu tehá mú ɔyulú ɔɔpwe

ání mu onutó odeklé. Dtehá ató-abí kugyíku mú ɔyulúv ɔtsan.

³⁹Alí ámúbú ató-abí ɔtsan-ɔtsan búv unv ámu a, alí tógyító ɔyulúv igyi ɔtsan ní. Anyánkpwása, mbwí, mbubwí pú ntsutso aye féétó okugyíku ɔyulúv ɔtsan.

⁴⁰Ɖsúsú-ató bu unv, ɔsulúsv-ató é bu unv. Mú féé ibv ɔyulúv ɔtsan-ɔtsan. Ɖsúsú klé numnyam ɔtsan, ɔsulúsv klé é numnyam ɔtsan. ⁴¹Owí numnyam igyi ɔtsan há ɔtsra. Ɖtsra klé é igyi ɔtsan há ntsrakpabi. Ɖtsrakpabi kugyíku ná ɔtsan, mú numnyam é una ɔtsan há mú bá.

⁴²Alí ibóbwe bréá Bulu ɔbókusúa awupú ní. Aní ɔsulúsv-ɔyulúv anfi itowú, pló anfi ibótson ɔtsan há múá Bulu ɔbókusúa tsu afúlító, tsúfé mú mú imóowu ekekeke. ⁴³Aní ɔyulúv anfi ɔpɔɔn bréá bopúlá mú, táme ní Bulu ɔkúsúa mú á, itenyá ɔwɔnlín, wá numnyam. ⁴⁴Ɖsulúsv-ɔyulúv igyi séi, táme ní Bulu ɔkúsúa mú á, ibóbwe ɔɣétó ɔyulúv. Tsúfé alí ámúbú ɔsulúsv-ɔyulúv bu unv ámu á, alí ɔɣétó klé é bu unv ní. ⁴⁵Bulu asun wanlínhé amu lébláa aní ɔbé, “*Adam gyankpapu amu lóbwe ɔkɔankpapu.” Táme Adam tráhe, ogyi Kristo amu mú gyí Ɖɣéá ɔtehá nkpa. ⁴⁶Ɖsulúsv-ɔyulúv anitegyankpá nyá asa anitebenya ɔɣétó klé. ⁴⁷Ɖsulútv-ɔyulúv Bulu lópupwé nyankpwsa gyankpapu, ogyi Adam amu. Kristo, amúbú obuwo amu mú otsú ɔsúsú. ⁴⁸Nyankpwsa okugyíku bu ɔsulúsv-ɔyulúv fé Adam, táme aní ɔsúsú-ɔyulúv mú bóbwe fé Kristo klé. ⁴⁹Alí ámúbú angyí fé ɔsulúsv Adam amu a, alí kén abóbwe fé Kristo amúbú otsú ɔsúsú ámu é ekekú ní.

⁵⁰Apíó, t́á ndeblí gyí, aní ɔyulúv anfi igyi ɔyulúv múa obugya anfi iméenya ogyíkpá *Bulu iwíegyí ámutɔ. T́á iteyíntá uméetalí nyá ogyíkpá t́á utamayíntátó.

⁵¹Táme mliyaa asu amlinu asun ɣáinhé kvá Bulu lalé súná mí. Ɖbé, megyí aní féé obówu, táme aní féé ɔyulúv bétse. ⁵²Ní ɔkpe tráhe ifúlí pé á, aní féé abétse ɔtsáwule pé. Bulu ɔbókusúa awupú ámu. Amó ɔyulúv uméetrá yintá, ɔbétse aní nkpa atsiápú é féé. ⁵³Tsúfé ilehián ání Bulu ɔbétse aní ɔyulúv anfi itowú pló anfi, há aní ɔyulúbá utamawú,

utamaplɔ. ⁵⁴Ní ibá mútɔ́ ání Bulu latse tɔ́á itowú, bwé mú tɔ́á itamawú, tɔ́á itɔplɔ́ é lábwe tɔ́á itamaplɔ́ á, unú Bulu asun wanlínhé anfi ibéba mútɔ́ ní. Ɔbéɛ, “Batú lowu asu plíplíplíplí. Isugyí onutó laba.”

⁵⁵Bulu asun wanlínhé ku é léblí Ɔbéɛ, “Óo lowu, nkúnu fú ɔkpe bu?

Nkúnú fú isugyí bu?”

⁵⁶Lakpan igyi ɔkpe ání itɔmɔ́, Mose mbla ámu é itehá lakpan túmi. ⁵⁷Nkáli kúráá abɔkuku da Bulu ipán? Múláhá anulatsun aní Wíe Yesu Kristosu gyi asu.

⁵⁸Mú su apíó adwepú, mlilu kínkíínkín, mlumákpínkí. Mlisi mli iwí féé ha Bulu agyómá brégyíbré, tsúfé mlyin ání mli gyumagyihe mɔ́ɔbwe kpaali.

Itswitswi Ha Yerusalem Ahiánfɔ

16 ¹Itswitswi ha Bulu ahá ání bubu Yerusalem asón ámu é á, mlubwe mú fé ali ámúú nebláa ɔpasua ámúú ububu Galatia ɔmátɔ́ mbéɛ bubwée mú ámu. ²Ɔhagyíɔha ɔkú mu kɔ́ba alíá otenyá ɔnɔ́, ɔle ku yaí Kwasiédagyíkwasiéda. Mlumágyo mlíaa mbá asa amlitswitswi mú. ³Ní nebá á, nɔ́wanlín nwulú há ahá ání mli onutó mléle mlíaa, bupúú atɔ́ ámu ya Yerusalemfɔ́ ámu, púlé amú súná amú. ⁴Ní ibu aléá nɔ́yɔ́ á, múmú bóbuo mi yɔ́.

Paulo Ɔkpatu Nnihé

⁵Ní ɔnkúsú tsú Makedonia a, néba mli wá, tsúfé ndekléá nɔ́tsun unu asa néba. ⁶Fíali nétsiá mli wá kpalobí. Fíali kúráá nétsiá unu nyankpu múa atsalí bré ámu féé, fówun mlílasí mí ɔkpa nayɔ́ ɔtínegyíɔtínéá nɔ́yɔ́. ⁷Séi mú á, mmedékléá néba beka tsun mli wá keke. Ní Bulu lótsulá á, nétsiá mli wá kpalobí.

⁸Táme nétsiá Efeso nfi kpéfun Pentekoste eke ámu. ⁹Tsúfé ɔkpa kpɔ́nkpɔ́ntí lafínkí há mí ání nɔ́yɔ́ agyómá ání ibówa labi. Ibu mútɔ́á mí alupú tsɔ́tsɔ́tsɔ́ bubu nfi mú.

¹⁰Ní Timoteo owíé mli wá á, mlumáha ifú ukíta mu, tsúfé aní Wíe agyómá ámu kén ɔdeyɔ́ fé mí. ¹¹Mlumáha ɔhaa ɔkú

mu ansító kótíkótí. Mlisi mu ɔkpa wankláán oyinki bɔtu mí, tsúfé ntsie ngyo mua aní apíó atráhe amu.

12 Aní pío Apolo asún ámu a, nalíi musu mbée, obúo apíó ámu ba mli wá, táme omedékléá ɔbéba séi. Ní onyá ɔkpa á, ɔbéba.

Asún Tráhe

13 Mlɔda iwɔsu, amlilu kínkíínkín mli hógyitɔ. Mlɔwa klɔn, amlɔwa iwɔ ɔwɔnlín. 14 Mlɔpu ɔdwe bwe mli tógyítɔ.

15 Mí apíó, mlyin ání Stefana mua mu wóyítɔ ahá gyí agyankpapuvá bedamlí klɔntɔ Akaiia nsáuntɔ. Basí iwɔ há, bude Bulu ahá ámu súm. 16 Nokókóli mli, mlɔba iwɔasi ha amúba ahá ání béba betsiá amútɔ, bɔpu nsi yó agyómá ámu.

17 Ansí lagyi mi ání Stefana mua Fortunato pú Akaiiko baba mí wá. Tsúfé bude mli ɔbwekpá bwe. 18 Bawá mí atetɔ-ɔnlɔn wankláán, fé alí amúú bɔwa mli ámu. Mlɔbu ahá ántí odu.

19 ɔpasua amúú ibu Asia amu féé bude mli tsiá ha. Akwila mua Priska pú ɔpasua amúú ibu amú wóyítɔ amu é behá mli tsiá wankláán aní Wíe idátɔ. 20 Apíó aba ámu féé behá mli itsiá gyágyágyá.

Mlɔlata aba puta Kristotɔ.

21 Mí Paulo onutó lapú mí ibu wanlín íni, ndepvhá mli tsiá.

22 Ní ɔkv tamadwé aní Wíe Yesu a, ulwú dɔn musu!

Marana-ta! (Mú asi gyí, “Aní Wíe, ba!”)

23 Aní Wíe Yesu Kristo ogyíi mli buale.

24 Anta aní Wíe Kristo Yesu ikulebwe su ntehié dwé mli féé. *Amen!